

平湖縣志卷十一

署知縣張力行纂修

人物志 二

仕績

宋

魯文謐字子順紹興二十一年趙達榜進士調
丹徒尉薦陞司李性闓爽嗜書史任事必究端
緒不務矯抗不事投合在高郵理獄疏剔淹滯
狂狴幾空攝丞幕府適山陽流移蟻聚謐極意
撫安俾得其所卒于官平生好義樂施置義莊
義塾教其弟文博姪鐸皆成進士

明

平湖縣志

卷十一 人物 仕績 一

葉春字景暘大易鄉人本姓林幼孤鞠于葉遂
從其姓通練有才識自邑吏歷事吏部六年永
樂初尚書李志剛薦于朝授主客司主事勤敏
周密歷郎中擢兩淮鹽運使收福建叅政仁宗
嗣位入朝與廣西布政使周幹同被命巡視應
天鎮常蘇松杭嘉湖八郡訪民間利害宣德初

朝廷以八郡姦吏土豪貪虐未戢復命春偕大理卿胡榮巡歷訪察所至秉公果決無所屈撓擢刑部右侍郎得疾命太醫視療乞歸卒賜祭葬楊士奇誌其墓

張振字孟起永樂初薦辟有從龍勛歷主事郎中升夔州知府親歿顏所居曰終慕堂楊榮金幼孜贈以文稱其有忠孝大節

戈定遠字尙武工古文辭永樂丙戌貢入成均選河南道監察御史彈劾封駁無少避忌陞交

趾按察副使蒞官清勤平獄訟綏柔有方致仕卒

許盛字昌世天順甲申進士授刑部主事署員外郎審錄陝右繫囚平反死刑百餘人陞四川僉事先是蜀府莊戶侵民山田獄久不決盛徧歷界壤廉得其情寘之法丁艱服闋補分巡川北道大竹飢貧民投券富室取其粟有司坐以盜劫盛令具本息償之薄其罪儀隴寇嘯聚誅其渠餘黨悉平改巡川西上流羅泉諸井鹵丁

憤所司徵不如令各塞其井盛酌宜處之帖然
復業轉雲南副使民有鬻銅爲生者讐家誣以
盜礦獄具瘐死已半盛辨釋之

沈棨字元節天順甲申進士授工部主事監龍
江稅有廉能聲知潮州府嚴通番之禁寬私鹽
之課歷延平臨江不改其操莊定山有十年清
沈美南京今日臨江沈更清之贈因相傳曰清
沈陞貴州叅政值苗寇調運軍餉有法事平乞
終養歸服食寒素

平湖縣志

卷十一

人物

仕績

三

倪輔字良弼讀書過目成誦天順甲申進士授
吏部主事釐剔不避權貴收禮部冊封秦楚二
藩不受饋遺陞湖廣叅政治洞猺恩信旁及時
焦萬當國輔題畫竹紙扇以貽京貴曰不須高
萬丈清氣滿乾坤任爾西風惡何曾曲向人卒
于官

馬璇字季明少穎敏薛文清見而奇之曰神韻
雋遠必爲一代偉人年十八領景泰癸酉鄉薦
天順甲申成進士任行人賑河南諭祭于少保

封衡陽王琉球中山王所至餽遺無所受琉球
王敬禮之爲立却金亭擢河南道御史直聲振
朝宁疏奏蚤建儲謹災異飭武備備水旱憲宗
嘉納之書其名于御屏巡視京畿不避權貴行
部所至百職震懼家居崇孝友勵清白歷官內
臺第宅如故輿馬或假于人時稱真御史者必
曰平湖二馬蓋指昆與臄云

馬昆字克昌成化乙未進士授永新知縣化民
以德梅花洞獠入境肆掠督兵討平之隣邑劉

平湖縣志

卷十一

人物

仕績

四

伍二大姓訟二十年不決以屬昆片言折服捐

商賈引錢易粟賑飢擢河南道御史彈劾不避

權貴中人劉瑾憚之勅理兩淮鹽法淮大賈哀

數萬金以餽畏昆而止適鹽有餘銀疏請備賑

黃河溢爲淮患又請以餘鹽易價督羣邑築石

堤禦之淮人立祠尸祝雲南盜起瑾欲中昆以

事奏陞備兵叅政蒞任盜悉解散卒于官

過璘字太璞成化丙戌進士授工部主事分司

呂梁洪再管濟寧閘侍郎三原王恕以爲能改

刑部歷員外郎中許州民趙道隆爲儉人誣以妖言利其死以覲賞株及數十家銜命往鞠卽日理出之陞江西副使豐城李民泰陷平民兄弟三人爲刦盜繫獄十年璘得其情遂杖殺民泰盡釋繫者人服其神尋致仕歸家居二十年兩目俱病然廣筵長坐議論經史竟日忘倦無疾而卒年七十九

屠熙字元明成化甲午舉人授武昌府推官有盜久弗決俱年未三十熙曰獄成越十八年矣

平湖縣志

卷十一

人物

仕績

五

去盜時年纔十二三辨其誣出之陞建昌府同知掌府篆益府中人強籍民資戶派借銀若干責其重息民甚病之熙諭以利害遂戢改太平解宇蕭然如僧舍歷官三郡僅以一僕隨行居家友弟課子以清白稱子奎垚皆進士

屠勲字元勲成化己丑進士授工部主事改刑部歷員外郎郎中皆劇曹剖決無滯京城無藉子季勝誘其主之子福爲私鑄而陰結訶事者發之將利其產福坐戍邊勲直其事以福罪罪

勝而歸其產於福晉大理少卿請五歲一遣官
審錄州郡刑獄朝廷從之著爲令以撫輯漳寇
溫文進功陞副都御史巡撫順天整飭薊遼邊
備請裁省京縣夫役停昌平牧馬及麻峪山采
礦約束中使取銀魚於寶坻者三輔肅然以密
雲孤懸每有警救援不相及潮河川積石漫衍
守截爲難黃花鎮拱護諸陵守備單弱乃奏分
薊州爲中路密雲昌平爲東西二路使互相策
應于潮河川作虎落具躡石布蒺藜增置黃花

平湖縣志

卷十一

人物

仕績

六

鎮營堡戍卒熊兒峪寄操騎兵營去水十餘里
鑿井十餘丈皆堅石猪圈頭關地平行春夏雨
水汎溢壁壘傾圯勲移寄操營于峪之南移關
于猪圈境外之南北兵旣得水兼有出境耕牧
之利歲省戍卒數百人遷刑部侍郎壽寧侯與
河間民訟田奉詔體勘上言食祿之家不言利
况母后誕育之鄉而與細民爭尺寸地不可孝
宗嘉納歸其田于民尋擢右都御史正德初轉
刑部尙書首勸郊祀藉田幸學時劉瑾用事諸

司諷先關白而後奏聞勲曰若是是無朝廷矣
瑾啣之遂引疾求去以太子太保致仕卒贈太
保諡康僖

沈珪字廷瑞成化辛卯舉人授延平推官多所
平反上官至督供張珪以地瘠民貧辭改任安
慶時池州民胡譚二姓爭湖池胡賄案者珪推
鞫得情竟直譚告歸卒仲子鑰以明經授黃梅
教諭孫一卿荆王偉其儀表請于朝勅爲儀賓
尙崇寧郡主

平湖縣志

卷十一

人物

仕績

七

陸愈字抑之成化乙未進士授江都知縣月召
有年德者鄉一人詢利病而興除之歲凶民多
鬻子女于江南愈捐俸出罰鍰贖令完聚新穀
未登散舊廩貸民秋成使償不取其息築邵伯
堤教民鑿溝洫時瀦洩以備旱澇縣羨銀數萬
多議輸戶部愈請撫臣儲以救荒後大祲民賴
以濟擢御史巡按四川鋤豪斥貪風稜甚峻卒
于官

馮俊字世英成化癸卯順天舉人選垣曲教諭

地僻罕知學俊句授字解捐俸資給人士氣競
奮始以功名顯移教休寧視邑篆堂吏進引價
數百斥去之再補館陶擢知獲嘉縣中人張永
征安化所過騷然俊迎謁稱民力不任供億永
歛容謝長者調遂平邑故無城流賊作亂俊簡
民兵誓死守賊知有備引去尋乞歸簞食瓢飲
晏如也所至入名宦

陸張字克潛性至孝父珪患癰張咋之而愈母
李畏雷雷輒趨侍至達旦不寐成化間以貢士

平湖縣志

卷十一

人物

仕績

八

授程鄉知縣縣界山海多劇盜張至議者皆以
殄盜爲急張謂恩信未敷何遽勞民廼新學舍
以禮義勵諸生問民疾苦期年始練鄉勇間出
勦寇斬捕至千百盜相約無犯程人訟以賂勝
張門無私謁訟者屏息無何以母喪歸號泣攀
送數千人竟以哀毀死常山道中囊無一錢逆
旅主人徐文育爲之棺殮張去官程人猶以陸
公來憚賊聞變設位巷哭立祠祀之兄子溥字
文博邑諸生以貲授上海縣丞調豐城督運夜

過采石舟漏溥跪禱日舟中一錢非法願葬江
魚腹禱畢漏止天明視之有三魚裹水苻塞漏
尋以亢直罷歸

陸淞字文東宏治庚戌進士以祖母老乞歸王
端毅恕薦修大明會典成除翰林力辭授禮部
主事歷郎中正德時藩國多踰例請乞淞格不
行中人劉瑾用事倭使宋素卿賂瑾求數入貢
淞上疏謂素卿本寧波人潛通外島以邀中國
漸不可長請誅之瑾怒中淞他事矯制收獄瑾

平湖縣志

卷十一

人物

仕績

九

敗累遷南京鴻臚寺卿武宗親征逆藩駐蹕南
都一切禮儀禮部皆與叅酌而行嘉靖初上疏
辨忠佞廣言路節財用言極剴切晉南京光祿
寺卿諸務多涉中官羣小憑之淞悉懲以法勞
費大省再疏乞歸卒賜祭葬著作皆散失不傳
累贈刑部尚書子杰杲各有傳

曹瓊字玉夫宏治癸丑進士選庶吉士授御史
持風裁甚峻有戚畹投千金乞寘讐家于辟正
色却之疏陳侃侃多中機宜劉大夏論人才謂

諫垣如曹瓊當大用無何卒于官卒後十年有以舊嫌連瓊父于鹺使者伍文定愕然曰曹玉夫清名至今籍籍其父豈有遺議立白之居家孝友俸餘分賑宗戚諸子布衣蔬食長子乾六歲孝宗時舉神童試宮中御批賞賚次子元嘉靖壬午舉人

施震字亨甫宏治癸丑進士授固始知縣剔宿蠹清積逋恤災獨政聲赫然入爲太僕寺丞陞石阡知府猺獞剽掠殺人震繕甲厲兵招攜布

平湖縣志

卷十一

人物

仕績

十

信諸蠻畏服郡多誅茅爲屋嚴令儲水備祝融平生慇直不餽遺朝貴守石阡七年不調觸劉瑾怒罰米三百石浩然掛冠後晉叅政秩里居二十年足不至公庭身未沒而室如懸磬

屠垚字文治宏治乙丑進士授常州府推官決獄明允擢御史武宗南巡疏諫不報又疏止興作正朝綱全戚畹崇聖學重經筵皆持大體切時弊巡按廣西值歲荒設法糴運增價招商禁刷米船多所全活猺寇叛勦撫有方捷聞賜金

幣陞俸一級轉山東副使兼督糧運刻期竣事
賜勞羊酒有加致政歸足不履郡城三十六年
兄奎亦爲御史巡視江西累疏宸濠不軌有直
聲官終江西叅議

沈煉字剛夫宏治己未進士歷任江西叅議所
至豪右屏息墨吏皆望風引去桃園寇勢猖獗
煉挺身戡定卒以凱旋居官耿介不爲當道所
諧然能自行其志家居睦族足跡不入公門蓋
其進退始終一於剛者子圻有傳

平湖縣志

卷十一

人物

仕績

十一

陸山字子周以貢選臨清州判擢阜平知縣水
患多逋賦力請上官奏免田租之半又請增弟
子員文教以振調繁夏津遷光祿署正忤權要
歸讀書自得著有孝經正義太極直解

孫璽字朝信先世徙自華亭正德戊辰進士授
興化令邑豪徐恩以入粟補所千戶交賂權貴
橫行邑中舊令不能制璽廉得其謀殺攫財事
擊殺之江都豪徐某殺人獄久不決以屬璽璽
偵得其埋尸乃伏罪大水傷稼奏請得蠲稅陞

松江府同知徐豪家伺璽去持金賂中人張瑞
反其獄瑞囑巡鹽張御史索璽過不得令璽與
豪家同囚繫困辱之璽爲書抵御史抉摘隱曲
御史大慚引疾去代者至乃白轉揚州同知宸
濠反攻安慶璽捧檄守儀真悉捕其黨陞山西
僉事奉命丈皇莊草場所漁奪者悉還民薊州
銀冶盜嘯聚璽攝兵備馳示禍福遣散之大同
卒伍驕悍璽撫戢安堵拒吉囊有功賜金轉洱
海道會勘土官爭金沙江仇殺事却其賂土官
雲山履歷稿子植有傳

平湖縣志

卷十一

人物

仕績

十三

解讐奉約束總兵某餽寶帶鈎不啟封還之衣
多謁巡按巡按以爲慢已因考察中之遂歸有
陸琳字文佩正德庚午舉人授清河知縣歲大
稔琳躬啖草根捐俸設粥更開倉賑給全活數
萬安東人兄弟訟久不決琳以義動之感泣相
讓陞御史戚璫斂手巡視光祿歲省冒破萬計
清戎湖廣丁籍肅清有善歌者嬖于楚藩家頗
橫琳摘發破柱得之丁艱服闋補河南道上封

事六條稱旨乙未典大計不徇權要巡按四川西南夷叛單騎抵賊巢張示威信環列羅拜截指欵降賜金綺旌功都指揮劉永昌倚武定侯郭勛與蜀藩訐奏事下三司多右昌琳按實抵昌罪復論罷中人姻黨及邊將張麟內倚不法事大忤權貴左遷撫州府知府尋乞休子宓孫萬達萬遠宓字子深性至孝痛母蚤嫠孝養備至好義輕財歲祿捐私蓄以佐賑產殖落質錢以施無倦色著有捫心錄運甓餘抄萬達字天

平湖縣志

卷十一

人物

仕績

十三

相十二歲補庠生聚徒講學親歿同弟萬達廬墓著有文端集萬遠字負劬爲詩文倚馬可待從徐魯源研究心性之學著有文惠集諸書

姚參字應辰正德庚午舉人司教上饒學使李夢陽器重之擢宜春知縣節省茶貢費什九歲荒設法救濟捕山南賊劉豪邑無剽掠宸濠叛爲王守仁應援多所効績歷工部郎中聞其子篚舉于鄉卽投綬歸

趙漢字鴻達正德辛未進士授建昌府推官學

使李夢陽檄毀淫祠漢一日毀十五祠拜給事中居諫垣最久嘉靖初刑部尙書林俊以執奏獄囚李鳳陽被旨詰責漢因疏劾太監崔文等亂政請急加譴逐不聽言官多得罪者漢奏稱忠臣言易憤激憤激則犯忌諱侵近倖而姦邪側目以圖之夫以近倖私怒滅公言戕士類天下殆甚亦不聽已哭爭大禮逮獄受杖直節不撓歷工科都給事中時張璁專政疏劾其擅又劾桂萼翟鑾二相坐奪俸一月尋出爲陝西叅政告歸漢在諫垣章凡數十上著有漸齋集子伊有傳

平湖縣志

卷十一

人物

仕績

十四

沈圻字子京正德辛未進士除御史以直忤當道謫高郵州判陞休寧知縣矢心冰蘖歷任固原兵備發范巡按之奸陞貴州叅政歸父子俱官藩臬產不及中人清名勁節籍籍人口遺命無入鄉賢

陸杰字元望淞子正德甲戌進士授兵部主事歷郎中武宗南巡偕黃鞏陸震伏闕諫命跪午

門廷杖幾絕直聲震天下歷陝西副使鄜州七月不雨便宜開倉賑之又增價以糴商販畢集全活無算榆林邊警親率兵出戰斬獲甚夥遷廣東左布政安南貢使不至朝命都御史毛伯溫徃討杰偵安南陰事爲伯溫言可不煩兵而服伯溫用其策莫登庸果上表稱貢擢右副都御史巡撫胡廣論守備宦官廖斌貪橫斌後伏法加工部右侍郎仍撫其地勅督承天祿恩殿丁內艱歸後以原職起用遣使促如楚卒于任

傳

平湖縣志

卷十一

人物

仕績

十五

贈尙書賜祭葬子光弼蔭南京都督府叅軍孝友能文章講學不宗禪語光弼子在前孫鏊有

劉玘字廷璧少有才名博綜今古一時目爲經笥正德丙子應天舉人知五河縣潔已愛民省刑薄歛歲稔輸家粟以賑五河不解織絍爲造器教之去官日民治具送歸終南刑部主事

陸鰲字子任九歲悟頓漸一途之旨稱爲小象山痛父琴西蚤世思肖像奉朝夕久不能就一

日忽見父狀繪之不爽毫髮母病翦左腕數鬻
入爐爇香籲天疾尋愈祖父遺產悉讓弟中嘉
靖戊子舉人授臨江府通判江盜橫甚單騎諭
降之既而中丞吳議勦鰲爭不可曰不欲殺一
人以媚人中丞悟乃寢釐去督儲使者例金使
者怏怏直排鰲闥唯見圖書數卷歎服而去委
署新淦亢旱步禱蒙山龍祠雨立澍遷南康同
知子萬垓有傳

平湖縣志

卷十一

人物

仕績

六

姚篚字希實嘉靖辛卯舉人授廣信府推官治
獄明允創築玉山城置戍分水溫陵相水三關
礦徒山賊不敢嘯聚南安界嶺表素號難治篚
承檄往理夙弊盡滌遷宿州知州招撫流亡萬
計給牛種雞豚廬舍墾田四千頃贖鬻子女幾
千人捐宿逋二萬五千立社倉以備凶年教民
機杼民賴其利陞南刑部員外多所平反擢貴
州僉事乞休歸治園于金章湖上爲逸老計孫
士慎有傳

馮汝弼字惟良號祐山嘉靖壬辰進士授行人

遷工科給事中奉命視光祿及盛甲廠劾中人
張時等下獄彖宰汪鉉恃寵驕恣彈者或杖死
弼曰擊之不勝則其志益驕事有不可言者吾
當以死爭連上七疏鉉亦疏訐汝弼鉉罷職弼
謫潛山縣丞潛無志弼創成之陞常熟知縣水
災先發倉後報築葉蕩等閘立法均田減耗數
萬觸豪貴意調餘干核虛糧悉去之監司頌其
式訊囚七十人二人未服監司促之弼曰二人
關二命卒白之陞太倉知州革富民供應歲禮

平湖縣志

卷上

人物

仕績

七

部使督逋株連甚衆給之行悉縱之有劇盜聚
江海間前守不能詰汝弼設方畧擒之復襲擊
其黨旣轉揚州同知而前使者以逋稅復論調
遂拂衣歸以常熟均田法告趙郡守以太倉均
役法告顧邑令行之爲湖永利倭變築城首輸
爲衆倡修築漢塘五十四里土石橋堰五十餘
所勒石示子孫世葺之年七十九卒子敏攻有
傳

俞咨伯字禮卿嘉靖壬辰進士歷營繕屯田二

司貴戚武定侯專橫咨伯持法不徇出爲泉州府知府歲饑賑活數萬累決疑獄如神尋以河南副使轉山西提學稱得士爲人冲雅温潤遇事氣節侃侃卒年三十六

趙伊字子衡漢季子嘉靖壬辰進士授刑部主事歷武選郎中中山王後以傳奉得官法不當襲附嚴嵩得旨伊爭不可拂衣還起南車駕司營卒不役私門郵符不假使客擢廣西副使年方四十乞終養上官檄留不聽隆萬間召起再

平湖縣志

卷十一

人物

仕績

十六

三竟不可奪惟日遊湖山賦詩自娛有序芳園稿子邦秩邦程邦黍孫琮邦秩字元叙以孝聞年十五博通經史萬歷丁丑進士授海門知縣均賦減戍築呂四堤開鹽運河以勞卒官士民特祠祀之稱栢林趙公祠邦程字元憲蘇州府訓導吳士矜式遷連城教諭歸邦黍字元美嘉靖戊午舉人任南安府推官多所平反權關南贛溢額四千餘金佐公帑以母老乞歸琮字伯裕邦秩子順天己酉舉人著葩經說約十卷署

高陽教諭卒于官

孫校字右文嘉靖壬辰進士兩執親喪不入城市故業悉讓于兄弟授工部主事辭荆南權稅裁革諸司羨餘省大工煩費轉武選郎中武弁賄請悉謝絕忤嚴嵩謫廣東提舉轉衡州府同知晉南刑部郎中移吏部歷四川副使出淹繫撫豪酋平徭減賦戎夏輯寧以瘁乞歸

孫植字斯立嘉靖乙未進士授南刑部主事守備潘珍從子怙勢爲姦都指揮楊起昕乾沒慈

平湖縣志

卷十一

人物

仕績

九

慶諸官費悉正其罪歷光祿少卿祠官祝釐費多不經植爲簿正歲省大官數十萬巨璫耿清以鐵人稱之時嚴嵩柄政植守正不阿以故九年不調後陟正卿轉僉都御史總理河道三殿工興漕渠旱涸植決塞湮醜大木鱗進擢刑部左侍郎烽火逼京畿奉敕守崇文門時城外守者羽檄調兵不至遂劾本兵楊襄毅博植念襄毅素習邊事疏入當受譴却其疏不納而亟遣騎馳報趣發兵一時多其功爲南右都掌院正

已率下諸御史毛鷺之風頓息陞南刑部尙書
中人王采盜伐孝陵樹邢保侵尅工匠銀張進
朝矯詔選官嬪皆據法論罪尋以劾徐氏獄罷
歸初魏國無嫡子庶長徐邦瑞當嗣幼子邦寧
母嬖先請封其母鄭詭云繼適邦瑞訟邦寧券
許助教鄭如瑾千金謀奪爵事下南法司植會
諸曹雜治辭具謂邦瑞當嗣如瑾納交勲胄宜
免官鄭氏娶于適夫人存日宜奪誥命輿論翕
然會高新鄭再起方修隙于徐文貞階以植爲

階門人而護如瑾乃已所取士給事中王楨遂
摈蜚語劾植奉旨冠帶閑住植終不自明家居
十七年起工部尙書上疏引年以原職致仕卒
賜祭葬贈太子太保諡簡肅季子成泰有傳
沈垣字子完嘉靖乙未進士授大理寺評事歷
寺副正叅駁平允錄囚廣西出寃民劉榮等七
十餘人陞惠州府知府惠介嶺海攜三僕抵治
歲飢發賑平糶全活甚衆巨盜李鑑負險剽掠
莫可誰何垣設方畧搗其巢鑑自縛降餘黨立

散會詣督府中瘴癘卒于番禺垣性孝友世勤耕織饒布粟歷官清慎所至取給于家既卒僚佐檢垣篋圖書外無長物惠人德之祀名宦

陸炳字文明父松世宗時以從龍功世襲錦衣衛千戶炳中嘉靖壬辰武進士授錦衣副千戶松卒襲指揮僉事尋進署指揮使掌南鎮撫司事十八年護駕幸承天抵衛輝行宮夜火炳入烈焰中負世宗出世宗解所佩金柳繡刀賜之屢擢錦衣都指揮同知掌衛事未幾進左都督

錄擒哈舟兒功加太子太保發仇鸞逆謀加少保兼太子太傅歲給伯祿劾中官李彬侵盜帝真殿木石及內府金錢數千萬置於法加太保兼少保掌錦衣如故時數起大獄炳委曲營救全活甚衆卒贈忠誠伯諡武惠賜祭葬進其子指揮僉事世襲隆慶庚午御史張守約追論炳詔籍之萬歷改元念衛輝功仍錄其孫達爲錦衣千戶世襲

俞乾字一清九歲能屬文稱神童嘉靖甲辰進

士居喪廬墓三年哀毀逾禮授刑部主事勢家
犯重辟夜投百金不納復挾中貴人以請乾竟
寘之理時嚴嵩傾夏忠愍言死西市乾監刑義
憤發中忽仆地遂乞歸同僚厚贖之不受楊忠
愍繼盛贈詩有直道難容君有去孤忠自許我
無生之句抵家三日卒

韓弼字懷南嘉靖丁未進士授豐城知縣築堤
塘創條鞭法民便之歷南昌府知府景王就國
以羨餘應公費民得不擾萍鄉流賊剽掠弼指

平湖縣志

卷十一

人物

仕績

三

畫有方旋就殄滅轉江西提學副使掛冠歸生
平意氣自許不工俯仰人望而憚之子子祁字
心堯萬歷丙子順天舉人授德安府推官移贛
州更兌運法教民植木棉勤紡織直指欲以意
入人罪祁不阿左遷興國歲儉發倉賑飢繼以
捐俸轉道州權使者邏卒四出祁一以靜鎮之
陞蘇州府同知三董漕輓俱絕餉遺攜書數卷
歸里淋漓翰墨足不出戶

陸光祖字與繩號五臺年十七與父杲同舉嘉

靖丁酉鄉試丁未成進士授濬縣知縣邑人盧
柁忤前令坐重辟光祖察其寃出之兵部尙書
趙錦檄畿輔民築塞垣光祖言不便錦怒劾光
祖光祖言於巡撫請輸雇值民乃安內鄉王強
奪民田封邱王縱奴私販一裁以法遷南京禮
部主事請急歸補祠祭主事歷儀制郎中尙書
嚴訥雅重光祖議無不行及訥收吏部調光祖
驗封郎中改考功王崇古張瀚方逢時王一鶚
挂物議力雪之旣而改文選益務汲引人才登

平湖縣志

卷十一

人物

仕績

三

選者碩幾盡又破格擢廉能吏王化江東邵元
善張澤李琪郭文通蔡琮陳永謝侃或由鄉舉
貢士或起自書吏由是下僚競勸訥亦推心任
之故光祖得行其志左侍郎朱衡銜光祖有後
言御史孫丕揚遂以專擅劾光祖時已遷太常
少卿坐落職閒住大學士高拱掌吏部謀傾徐
階賓客皆避匿光祖獨爲排解及拱罷楊博代
爲吏部義之特起南京太僕少卿未上擢本寺
卿又就進大理卿半道丁父艱萬歷五年起故

官張居正以奪情杖言者光祖遺書規之及王用汲劾居正居正將中以危禍光祖時入爲大理卿力解得免居正與光祖同年相善欲援爲助光祖無詭隨及遷工部侍郎以議漕改折忤居正御史張一鯤論之光祖遽引歸十一年冬薦起南兵部右侍郎甫旬日召爲吏部悉引居正所擯老成人布九列李植江東之力求居正罪光祖言居正輔翼功不可泯與言路左植輩以丁此呂故攻尙書楊巍光祖右巍詆言者言

平湖縣志

卷十一

人物

仕績

齒

者遂羣攻光祖乃由左侍郎出爲南京工部尙書御史周之翰劾光祖附宗人炳得清華帝不問御史楊有仁遂劾光祖受賕請屬巍力保持之事得寢光祖竟引疾去十五年起南京刑部尙書就改吏部率同官劾東廠太監張鯨且乞宥李沂已言國本未定由鯨構謀請除之以安宗社及帝召還鯨復率同官極諫入爲刑部尙書帝嘗書其名御屏吏部尙書宋纁卒遂用光祖代以趙錦代光祖御史王之棟言二人不當

用帝怒貶之棟雜職時部權爲內閣所奪纒力
矯之遂遭挫光祖不爲懾嘗以事與大學士申
時行廷時行不悅光祖卒無所徇時行謝政持
旨用趙志臯張位時行所密薦也光祖言輔臣
當廷推不當內降帝命不爲後例二十年大計
外吏給事中李春開王遵訓何偉丁應泰御史
劉汝康皆先爲外吏有物議悉論黜之又舉許
孚遠顧憲成等二十人時論翕然稱焉頃之以
推用饒伸萬國欽忤旨文選郎王教以下盡逐
光祖謂事由已引罪乞休爲郎官所宥不許及
會推閣臣廷臣循故事首光祖名詔報曰卿前
請廷推推固宜首卿光祖知不能容日懷去志
無何以王時槐蔡悉王樵沈節甫老成魁艾特
推薦之給事中喬允遂劾光祖及文選郎鄒觀
光光祖遂力求去許馳驛在籍五年卒贈太子
太保諡莊簡光祖清強有識練達朝章每議大
政一言輒定初官禮部將擢尙寶少卿力讓時
槐丕揚劾罷光祖後再居吏部推轂之甚力趙

用賢沈思孝以論此呂事與光祖左後亦數推
輓之御史蔡時鼎陳登雲嘗劾光祖光祖引登
雲爲知己時鼎視鹺兩淮以建言罷商人訐於
南刑部光祖時爲尙書雪其誣罪妄訴者人服
其量長子基忠字伯貞以廕授兵部司務時寧
夏甫罷兵議東援朝鮮李中丞清正爲小臣所
攻忠俱抗疏極言遷刑部郎中治指揮鄭光耀
獄癸卯妖書事起禮部侍郎郭正域被誣忠獨
周旋不避陸氏嚮有義田贍族忠上疏請世世
有膽幹以宦績聞季子基志別有傳

曹光字原實號賓湖嘉靖庚戌進士授中書舍
人選福建道御史巡十大庫督蘆溝橋都御史
屠簡肅僑首錄其功嚴嵩柄國光抗節不屈以
諫開馬市被謫湖廣都事歷陞福建都轉運使
所至以清惠稱休歸二十年杜門著書人罕得
見焉孫繼祖繹祖皆仗義樂施

屠仲律字宗豫嘉靖庚戌進士授弋陽知縣擢南御史出廬州府知府景王之國節浮費減他郡十之五歲大祲民多逋稅出贖緩代償又出積穀數十萬平糶全活甚衆以勞瘁卒于官

陸光祚字與培嘉靖己未進士授兵部主事中貴戚畹家奴竄籍府軍者悉汰之以兄光祖典銓引疾歸起補禮部郎隆慶間屢疏請皇太子出閣講讀時宗祿不支上便宜三事限服制以殺祿給聽自便以開生路嚴法制以禁爲非卹

平湖縣志

卷十一

人物

仕績

三

謚大濫奏爲條例以行肅懷王無後從叔縉熿夤緣乞嗣祚持不可南陵王無後周王覲其遺貲祚請以補宗室祿米兩事觸柄臣忌出爲湖廣屯田副使轉陝西提學副使稱得士亡何卒于官祚爲人公清亮直內行淳備本生母亡故事無去官持服者祚以請不俟報可而行嘗買一妾詢爲故家女立還之

俞南金字國良嘉靖壬戌進士性孝友有冰蘖操初任刑部主事出張仁沈清伯于獄陞常德

府知府值水災捐俸瘞骸固築隄防民以全活
榮藩欲廣莊田以千金壽不顧也稔知饒明德
冤忤權貴出之再守馬湖獠夷叛服不常單車
諭降謝病歸孫喬桂字元芳萬歷壬戌進士令
潛山廉靜有古循吏風鄭言沉獄十五載廉其
情出之八虎憑社爲民害詢其名除之河水漂
疾渡者苦觸沒捐俸建梁又創義塚瘞無主骨
以勞瘁成疾歸卒于塗

馮敏功字元卿嘉靖壬戌進士以禮部郎中出

平湖縣志

卷十一

人物

仕績

三

爲江西叅議浙兵撤歸擾南豐功召其長好語
之曰而我鄉人也若所爲名曰賊天子檄大軍
至齏粉矣餉不足吾爲若給令登舟受餼以一
俸導其前勒勁卒制後兵乃戢陞淮徐副使河
決睢寧下邳徐州靈璧諸州邑解衣囊沙吏民
爭効得無恙自曲頭至呂梁又自茶城踰華戚
山築堤二百八十里蔽以遙堤殺以月堤指畫
皆可法晉河南叅政有欲從泲口穿葛墟諸山
抵南北大湖中分長堤爲運道者功言諸山亘

二百餘里多磐石礪砂不可鑿大湖相連不易
堤調山東又謂膠萊工不可興兩忤執政意抗
章乞歸巡撫張佳允以邊才薦起督漕淮南寶
應湖巨浸稽天舟多覆沒議疏越河通之總河
王廷瞻上其議得請竭力奔馳疾大作趣名同
官囑曰越河誠利國然太逼湖湖善潰而堤薄
萬一不虞半千里魚鱉矣幸別剏堤護之顧其
子伯禮曰吾死有賻歸之官以佐堤神宗朝贈
太僕卿子伯禮字節之性至孝好讀異書喜任
生各舉子士林美之子洪業有傳

平湖縣志

卷十一

人物 仕績

无

俠客燕時西湖鮑應選江右歐陽瑛兩生皆無
子游都下伯禮出橐裝爲買妾開別館居之兩
生各舉子士林美之子洪業有傳
張大忠字國楨嘉靖壬戌進士授刑部主事歷
廬州府知府除合肥巨姦勦英霍山賊創行條
鞭新法士民祠之陞陝西副使佐閱兵使者巡
邊使者以叅將哮拜屢獲首功欲授總兵官忠
持不可後果叛陞江西按察使藩邸多踰制強
婚民間苦之忠爲釐禁尋乞終養歸起廣東布

政使入覲道卒弟大雅字心宇嘉靖甲子舉人授海門知縣著有易卦緯論初惺類語四書衍義

高文登字伯升年十二代父繫獄讀書不輟郡守郭應奎憐而釋之隆慶丁卯領鄉薦授葉縣知縣創建問津書院增學田陞膠州知州擬歸養忽傳倭警曰是謂我憚王事也兼程趨之戰守具甚設倭迄不至尋乞歸孫道素曾孫承埏

俱進士

按道素以平湖籍登第承埏歸籍嘉興

平湖縣志

卷十一

人物 仕績

三

孫從龍字化光隆慶戊辰進士授行人三奉使擢左副出知信州轉刑部員外郎多欽恤陞九江叅議剔蠹條議著為令乞歸多勸畱者張洪陽相國云諸公為地方畱賢野人為山林增勝出處盡之從龍凡事簡易惟課子最嚴蔬食布袍終身不厭

屠叔方字宗直萬歷丁丑進士授鄱陽知縣鄱陽人胡閏為遜國忠臣叔方探風得之不勝感愴既入為御史即為建文仗節諸臣具疏請諡

請祠請修治塚墓卹錄子孫及交遊姻黨之株
累世世編戍者一體赦宥神宗感動蒙宥者千
六百餘人叔方在臺頗著直聲中忌者外轉山
東副使乞歸

陸萬垓字無畦隆慶戊辰進士授福寧知州兩
平倭亂陞刑部員外郎出守蒼梧擒洞獠以不
殺爲功闢東安西寧兩縣尋以滇緬大訌推陞
雲南副使躬冒矢石下隴川擒岳罕收叛卒晉
福建按察使發關白姦得有備轉山西布政使

平湖縣志

卷十一

人物

仕績

三

巡撫江西去煩苛革問遺課農桑躬教化築圩
千頃積穀百萬兩賑大荒全活無算盜運歲需
回青動費萬計力請以土青代之民困得甦母
老乞終養五疏不得請聞訃慟絕卒於官萬垓
生平爲善不媿獨知施德不靳人感事伯兄如
父年踰五十好學彌勤著知非小鑑十卷長子
大銳字恆甫中丞先任滇南授積俸百餘金令
置田爲娛老計越五載歸銳仍以原金進中丞
怪之銳跪呈奩產曰籍此足贍何更置爲謙冲

折節不與戶外事里中人忘其貴公子也幼子
大鍊字宏甫十三隨之任舟覆洞庭牽衣救父
冒入重淵會有天幸偕出母病禱于神請以身
代得甦仲子鍵有傳

馬千乘字國良隆慶戊辰進士授分宜知縣分
校拔湯顯祖擢南兵部主事出爲廣東僉事羅
滂山盜賊嘯聚會兵討平詔賜鏹帛陞四川叅
議乞歸十餘年起湖廣叅政廣東按察使黎叛
沉海諭降黎泣拜曰此昔平羅滂使君也遂解

平湖縣志

卷十一

人物

仕績

三

去海南曠地數萬畝墾爲田賦額以紓廉州珠
禁甚峻劉直指欲弛予民千乘曰民難與賊爭
利而賦累無已力持不可滿秩歸

陸志孝字仁卿隆慶戊辰進士授廬州府推官
累遷太常少卿疏救沈思考廷杖忤輔臣張居
正謫黃州府照磨改同知後以薦召掌刑科屢
雪冤獄出知衡陽府置義倉荆河堤調九江歸
復起漳南道不赴

倪壯猷字華芳隆慶庚午舉人授宜興教諭尋

知江浦縣首復東葛驛以甦役困邑距江六十里苦飄沒開濬上江新河五十里行旅便之陞南刑部主事歷貴州僉事紅苗反上勦撫機宜築思南鎮遠諸城添設總鎮平頭印江兩守備兵隨擒苗首石阿四等又上救銅八議請改酉陽四司宜隸黔不宜隸楚皆報可遷雲南兵備副使黔國莊田私徵爲民害請下郡縣代徵著爲令按養馬指揮秦乙清置于法黔國不敢撓討隴川都安民功最賜金加級告歸卜居禹航

平湖縣志

卷十一

人物

仕績

三

依先壠以居年八十四卒

洪烝字惟進隆慶辛未進士授陳州知州輯治略三十八事除疾苦興便宜停解京俵馬三百餘匹以折色代又議處河北歲派驛費省數千金報最陞兵部員外郎攝部事曹無閣案晉吏部郎中卒於官

陳九疇字天錫嘉靖辛酉順天舉人署昌平州學正卻士子贄知平鄉縣值水災設法全活者甚衆陞保定府通判所督屯馬悉汰陋規轉知

上石西川地多土司勦撫互用尋告歸年七十
一卒

陳泰來字伯符祖善道字敬夫嘉靖庚子舉人
終松江府同知不私贖鍰不畏權勢家有秫田
二頃宦歸如故人服其清泰來生而穎雋年十
八領萬歷丙子鄉薦丁丑成進士歸娶給內府
金花燈籠州里榮之授順天府教授轉國子博
士負氣節忤首輔張居正五年不調會馬應圖
以直言得罪言者希執政指并劾泰來以泰來

平湖縣志

卷十一

人物

仕績

三

與應圖同邑又同舉進士相友善也神宗不問
泰來引疾歸起禮部儀制司主事典試河南稱
得士與考功郎中趙南星交最契密叅癸巳大
計人服其公轉員外郎偕儀制郎中于孔謙合
疏請建儲不報時王文肅錫爵名起甫三日忽
傳三王竝封泰來上疏爭之又面質錫爵於朝
觀者悚慄神宗意回冊立尋定大計後忽貶南
星三官奪冢宰孫鑰俸泰來疏理鑰南星而詆
錫爵語抗直神宗震怒謫饒平典史自賦直道

不緣三尺改孤忠只受九重知句年三十六卒
于茗川道中聞者惜之無子光宗卽位贈太常
少卿

馬應圖字心易萬歷丁丑進士任行人奉使歸
篋中圖書數卷選郎廉其清欲擢西臺遣人示
意應圖曰吾何人肯作呈身御史哉遷刑部主
事歷禮部郎中疏劾科道齊世臣等庇姦妨李
植沈思考等賢路并侵首輔張居正謫典史復
刑部主事疾免歸布袍草履燃紙代薪有同年

平湖縣志

卷十一

人物

仕績

三

開府諷以居間卻之民有冤抑侃侃白當事僮
僕二三皆爲傭以餬口事繼母孝聘妻有癩疾
或勸別娶不聽歿時幾不能斂嘗自署一聯曰
乾坤三畝宅湖海一畸人熹宗朝贈光祿寺少
卿

孫成泰字允交植子萬歷丁丑進士授道州知
州州在萬山中民猺雜處泰俱得其心革市販
輸官稅例轉蘇州府同知職水利濬治許浦塘
楊林河奚浦聞父訃卽日發猶及視舍斂起刑

部員外歷郎中出爲饒州府知府饒故奉命恤刑地一旦以屬吏見藩臬非禮謝不往大司寇孫富平韙之疏請著爲令改邵武調繁蘇州急正供禁火耗杜侵欺慎那借不令而孚忤上官拂衣歸又七年補大名府尋陞大名副使勤訓練公賞罰騎射甲于燕趙復以不諧上官投劾歸

陸長庚字元白號津陽萬歷庚辰進士任廣德知州釋冤獄六案去丈量浮額創水陽倉以免

平湖縣志

卷十一

人物 仕績

三

陸運之苦裁革緞價四千餘兩禁北鄉煤山採貢州人德之立生祠于橫山陞刑部員外勘巨璫邢尙智獄執法不徇分巡下湖南道覈長沙屯糧歲得三千六百餘金裨軍需中使陳奉所在茶毒廉其爪牙十三人抵于法轉廣西桂平道猺首韋扶仲槃花婆作亂府江震驚屯土兵三萬餘餉往往不給長庚建議撤之督撫有難色長庚曰賊據險百出雖兵百萬無益奈何令缺餉坐譁乎願勿中制賊易與耳督撫委以便

宜進勦於是畱兵三千守荔浦餘盡撤密與副
總兵童元鎮定謀襲擒二賊首餘黨皆讐服聽
撫播酋楊應龍反以長庚爲湖廣按察使討之
應龍亦被擒陞江西右布政使轉左宗祿不給
請出存積金花銀一十五萬餘攢補值大水請
捐南昌門稅弛長河漁禁賑卹飢民擢應天府
尹卻羨金判歸徐鼎彝等被盜蘆洲二萬畝晉
南通政時畱都多私鑄官帑廢格不行疏請嚴
禁忤權貴意遂乞歸以兵部右侍郎優游林下

平湖縣志

卷十一

人物

仕績

三

二十餘年著有莊子選註南華經題辭清糧臆
說體仁會編年七十八卒崇禎甲戌俞禮臣陳
子壯請賜祭葬仲子啓鱗孫濬睿啓鱗字開雍
性端重勤于課子濬睿有傳

馬維銘字宏衢號新甫父千里字伯良少有文
譽以圖書自樂維銘中萬歷庚辰進士授太平
知縣攤二畝三分之稅丈科一畝豁黃山虛糧
數百頃陞兵部主事督山海關革貂皮稅丁艱
歸築圃東郊所著有史纂及廣文選諸刻無子

嗣子德澧有傳

陳九韶字宗舜萬歷己丑進士歷刑部郎中出知廣信府中人潘相開礦擾民九韶繪圖陳疏得寢累官湖廣叅政卒

馬明瑞字道楨萬歷辛卯舉人父汝賢宗陽明之學著印湖先生集領隆慶丁卯鄉薦早卒明瑞以母老謁選上虞教諭陞景州知州多惠政艱歸起補德州頒行八禁築隄防賑飢陞工部員外時廣寧失守督造軍器稱旨紀錄中忌罷歸明瑞善畫竹有文與可遺意

平湖縣志

卷十一

人物

仕績

三

早頻仍悉心撫字通商鹽省徭役會礦事起以身扞民罔所避忌擢郎中父思齊於書無所不窺茅屋一椽上雨旁風恬然處之用泰念父高年乞歸終養

賀燦然字伯闇諸生時博涉諸子百家萬歷乙未成進士授行人擢吏部主事乞歸踰年起員外京察中旨畱一二言官上疏極諫語侵柄臣

神宗怒削籍以直節稱里中利病侃侃持義鄉人倚重

陸錫恩字伯承萬歷乙未進士授萬安知縣礦稅起有以回青石膏利啖中人者恩械之計令黠者發土土皆礪砂議遂罷三邁水旱改折甦民縣故設戍卒備賊守弁牟削太甚士伍譁縛弁將甘心焉恩單騎馳問狀下弁于獄旋諭隊長杖倡亂者一軍帖然陞刑部主事妖書禍作罪人旣得當事猶持兩端恩一言定之四明當

平湖縣志

卷十一

人物

仕績

三

國欲見不往蕭司馬楊少宰懸職方儀制缺待恩皆力辭以故四明去恩雖浙人獨免自號夢蝶居士歸里三年卒

施時垚字念同萬歷丁酉舉人少貧意豁如也計偕後就太倉州學正陞儀真知縣儀真多鹽販垚至鋤其魁姦徒屏跡遷武昌同知力辭不就

金汝礪字啓心萬歷戊戌進士授福安知縣陞南工部主事督錢厰綜核廉明積餘錢千萬計

管理節慎庫省浮額二十萬權龍關稅正課外
奇羨數千金白大司空貯公帑佐緩急管理屯
田裁板枋腳價數千金中貴人齟齬之不爲動
江南水潦淮東亢旱條上救荒事宜著荒政錄
出知真定府道卒礪天性純孝父母有疾藥必
親嘗溺必躬掖子台拱字星侯邑諸生性孝友
母病危割指血和藥得瘳弟岳貧困有田四十
餘畝代爲輸糧終身不易

曹徵庸字遠生號積雪萬歷戊戌進士以族人

平湖縣志

卷十一

人物

仕績

罕

註誤謫宜川尉累遷刑部員外郎審錄江西平
反枉獄數百人陞山西汾州府知府著有成績
以病去卒於孝義官舍徵庸爲人清疏俊逸有
潔癖掃地焚香避俗如浼每葛巾芒屨自肆山
水間其冰雪軒詩曠蕩出塵溯邑中博學好古
者長水太史以還其流亞也書法亦適逸

金汝諧字啓宸萬歷甲辰進士授婺源知縣鋤
豪右緩催徵擢御史前後疏數十上不顧忌諱
其援劉光復劉文炳劾吳道南李三才及織造

御馬諸監尤人所不敢言

姚士慎字岱芝萬歷甲辰進士選庶吉士改吏科給事中疏諫開礦忤旨謫福州府經歷起薦大理少卿論救給事中惠世揚曰附闖之黨所宜早定爰書擊逆之忠豈可尙稽恩典疏上世揚得出獄奉勅推勘魏奄姦黨以六案定罪陞通政使轉南京刑部尙書致仕歸戒子弟從儉約曰時事方艱驕侈益以速禍卒予廕賜祭

劉廷元字方瀛萬歷甲辰進士授南海知縣邑

平湖縣志

卷十一

人物

仕績

聖

濱海田少賦繁以八分科畝廷元請覈實民賴以蘇擢陝西道御史負氣敢言疏請東宮講學請遣福王之國并劾福府莊田踰額非制又奏劾東廠盧受稅璫高案等不法狀皆侃侃有聲甲寅巡視皇城兩奉勅按畿輔光宗時降三級調用里居三年起太僕少卿歷南兵部尙書莊烈帝卽位改工部尙書尋罷歸己巳京察論戊贖爲民庚午卒于家子亮采字德儼走京師代父申雪當時見阻鬱鬱成病而卒人稱其孝崇

禎六年學宮圯亮采捐千金爲倡邑人義之
胡士相字端甫萬歷甲辰進士授弋陽知縣縣
故多盜士相嚴保甲法盜風頓息陞刑部主事
丁外艱起補工部分治張秋北河河性善潰汶
濟諸泉易枯士相經營往來清復水櫃疏源滌
流堅築隄防爲治河功最白蓮賊起士相嬰城
固守城賴以全晉江西叅政姦民請開礦部檄
至士相覆寢其事衆建魏忠賢祠獨持不可請
蠲袁州積逋建義倉修城堞興學校奉旨賜金

平湖縣志

卷十一

人物

仕績

壘

增秩陞廣西按察使丁內艱歸卒

施鳳來字羽王先世茗溪人後徙平湖萬歷丁
未會試第一授翰林院編修歷官中樞殿大學
士吏部尙書鳳來入政府時璫勢張甚一以鎮
靜調護爲務中使李明道欲僱民船轉運奏寢
其議修撰文震孟疏語激怒將逮治鳳來從容
廷辨且述緹綺逮周順昌激變一事感動熹宗
復密揭申救以免皇極殿工成魏忠賢敘功爵
賞鳳來力引祖制非軍功不可而旨從中降乃

力辭恩廕不受示不附于璫也懷宗初魏忠賢
伏法有攻論當時同事閣臣者鳳來疏引陳平
周勃狄仁傑以自解懷宗優詔答之遂力求退
當熹宗不豫鳳來力請召信王侍疾既宴駕卽
請中宮懿旨馳召信王璫議欲停梓宮于乾清
信王御殿庶鳳來請御文華殿如世宗故事上
表勸進論者比于李東陽之事武宗云子日升
孫鉉曾孫湛日升字叔允內閣中書勅封長沙
王卻贈金鳳來致政歸承歡無間年九十三卒

平湖縣志

卷十一

人物

仕績

三

鉉字功遠幼孤事母孝以歲貢任義烏訓導奉
裁補平陽訓士有方湛字露巖少敏悟十三歲
爲諸生作文有原委得蘇子長筆力工吟詠早
卒

曹孔榮字豫仁號明寰以貢授天長知縣會游
饑瘞死療疾立輸穀墾田法再補雞澤俗好訟
化之以德邑無志榮創修之罷歸二十載與雲
棲株大師叅禪味道一夕呼湯自浴而逝

劉希夔字虞章以貢授連江知縣調繁山東地

荒瘠招輯流亡給牛種勸耕治行稱最

陸鍵字實甫萬歷丁未進士授建昌府推官慷慨任事作虔中五議曰戢宗藩釋沉獄疏鹽法補屯糧定官解南昌臨江撫州各議置盱江書院集諸生肄業其中捐俸課之更給贍田爲永久計行取擬禮科未補卒於邸舍著有四書尙書傳翼

馬德灃字澹真號以容萬歷丁未進士乞改寧國教授士以贄見頰赤幾無自容轉國子博士

平湖縣志

卷十一

人物

仕績

四

歷刑部郎中挺擊事起德灃與王之寀意合遂忤旨及慈慶宮引見御史劉光復陛呼觸怒下獄欲坐震驚几筵重辟灃據律改擬奏對失序宜薄杖神宗謂灃曲庇降山東鹽運使運判扁舟就道卒於真州天啓初以功在國本贈太常卿子嘉柱字擎臣由恩廕歷刑部員外疏糾御史踰冬至日行刑有直聲

徐調元字相之萬歷丁未進士授南陵知縣南陵巖邑乘傳無虛日值水潦調元便宜築圩壩

頻歲飢疫捐俸施藥糜全活萬計乞改紹興府
教授先行誼後文章越士嚮風陞國子博士歷
刑部郎中出知廣信府道卒

沈萃楨字哀中與弟杞楨同舉于鄉萬歷癸丑
進士授工部主事權荊州關稅盡革諸小稅名
目以羨金築堤沙市避水衝荆民稱沈公堤銓
司缺省員望屬萃楨乞改南歷兵部員外郎中
出知蘇州府舊派福府白糧詔令協濟五年至
是已七運而部文未止萃楨竟格不供蘇民便

平湖縣志

卷十一

人物

仕績

聖

之歲大飢諸惡少屯聚劫掠萃楨密擒首事三
人斃杖下倉卒間遂定識文震孟陳仁錫于未
第時親詣其門修主客禮天啓二年舉卓異天
下第一錫宴禮部時議卓異得超擢卿貳萃楨
辭讓陞福建副使備兵興泉紅夷犯銅山直侵
中左萃楨卽日移駐同安身冒矢石出奇兵撓
之五閱月而就欵轉本省叅政職驛傳以親老
乞歸當萃楨守蘇州時吳江令曹欽程賍私狼
藉以淫刑博強項聲巡撫周起元幾爲所惑乃

列貪跡注下考上之起元劾欽程落級及魏忠賢亂政欽程夤緣復官乘機報復鐫萃楨三級崇禎元年刑科給事中張國維極論欽程罪惡中有叅清正府官之語帝問府官何人國維以萃楨對且曰萃楨爲曹欽程所劾則其人可知與周宗建等諸正人爲伍則其人又可知得旨原職起用補湖廣叅政備兵岳州尋陞湖廣按察使備兵蘇松以疾不赴復補福建按察使備兵福州時山海寇盜叵測巡撫鄒維璉新任未

習閩事投誠者意頗觀望聞萃楨至皆曰沈公來吾屬無虞矣遂委心歸順危疆以安賜金加俸一級尋陞湖廣右布政使仍備兵蘇松復以親老乞歸尋卒子日昆字以白崇禎己卯舉人沈靜恬雅無貴介氣讀書善文辭弗計家人生產產日落蕭然高寄人欽慕之日晃字以大諸生絕意進取嚴于課子其三子太學生嶙字雍南工於詩文公卿雅重歿後聲名益著云馬鳴寔字具嚴萬歷癸丑進士授閩縣知縣得

輔臣葉向高家奴不法狀杖之曰以天子命吏
撲宰相家人卽掛冠不恤也因投劾改教後歷
邵武府知府河南副使治河有聲李自成圍信
陽霆治火器拒守十數日賊始去轉常鎮道陞
尙寶司卿乞假回籍

徐在中字楚石萬歷己未進士歷任工部郎性
鯁介忤璫革職崇禎初復任知廣州府有通番
首犯執法訊治不少貸犯爲朝貴私人啣之借
工部任內陵工置之法朝論寃之子錦貢生贈

平湖縣志

卷十一

人物

仕績

七

靈川令謹厚有德錦子吳治舉人大理同知

陸懷玉字石含號獻之萬歷己未進士授工部
主事督臨清磚厰晉郎中董三殿工竣例擢京
秩因不謁魏忠賢出知鎮江府廉靜嚴明郡大
治歷湖廣武昌道轉鹽法叅政商民戴德建祠
尸祝之陞山東按察使出死罪數十人尋擢福
建右布政使謝病歸子祚蕃有傳

陸懋功字紀常萬歷乙卯舉人歷陞南工部主
事管理器皿厰鑄務疏叅誤鑄姦商章臣史永

壽等提勘戍杖如律夙弊一清出知四川保寧府時賊氛熾州縣多被陷懋功繕治城守增設梁山關敵臺有捍禦功杖殺悍卒觸巡撫怒拂衣歸

薛振猷字爾嘉天啓乙丑進士授撫州推官卻屬縣廩餽革蠹弊豁冤獄政聲赫然有紗燈清水之號舉卓異行取銓部以父喪歸遂卒撫民立祠祀之弟仲猷性孝友讓遺產捐蟊蚘淩田五畝作漏澤園

平湖縣志

卷十一

人物

仕績

吳

陸錫明字玉井父基厚字戴卿諸生錫明中天啓乙丑進士時魏忠賢用事廷試前有諷令往謁者正色謝之及對策擬一甲第三抑置二甲第三未嘗有愠色授工部主事始祖宣公有祠在孤山豪右改爲書院錫明同兄鏊姪澄原合疏上陳得復歸世守出知常州府丁艱歸起補徽州徽爲富郡商賈遍天下一路相率餽獻悉拒之璫勢羅織民苦重役思作亂力爲安撫陞江西提學副使清節益著乞歸養母卒于家嗣

子瀟原事嗣母吳本生母沈以孝聞

陸澄原字嗣端天啓乙丑進士授工部主事莊烈帝卽位魏忠賢猶視事東廠澄原首劾并崔呈秀等罪狀請毀生祠以充兵餉于是廷臣紛紛彈射轉員外郎督盛甲廠己巳京師戒嚴身不解帶者五十餘日造火繩用楮代布失內璫意奉嚴旨降一級調用尋補順天府照磨遷大理寺寺副疏叅罪督袁崇煥莊烈帝嘉其敢言遣中使捧函至邸舍御書發陸澄原四字中批

據實回奏不許發抄以小臣而承委信前此未有也遷兵部職方員外提調武闈騎射不及格主考監試俱下獄澄原閑住罷歸甲戌忌者中以考功法落職放艇湖山寄懷詩奕者數年而卒著作多失傳弟濬原字嗣哲少負才譽甲申抗疏爲澄原訟寃下獄論者直之深原字嗣長性不昵俗遂謝舉子業以書籍文章自娛終其身

郭紹儀字丹葵天啓乙丑進士授當塗知縣以

簡治繁稱循吏時緹騎四出繹騷紹儀抗疏無所避巡視屯田上條議十二則勲戚多佔踞格不行尋落職歸紹儀嘗遇異人善養生術晚年與孝廉馮洪業稱莫逆交年八十五卒子雍圖順治辛卯舉人

陸鏊字味道天啓乙丑進士授刑部主事改工部出守肇慶府清市舶抑豪強陞副使佐制府破海寇劉香香走死連搖叛鏊攝巡南韶密移師搗其巢搖惶駭稽顙歸順璽書褒美終福建

按察使

孫裔蕃字臨鷓天啓乙丑進士授工部主事管理寶源錢局權蕪湖稅均剔陋弊裕正課會璫勢張甚關差例有餽裔蕃不與通幾被譴得告歸年八十卒

沈君楨字用缶天啓甲子舉人署瑞安教諭捐俸修文廟陞新泰令清理積逋以法繩宗室不法事觀察吳某欲籍師中丞家產充餉力爭得免調繁德安革郵傳供應民困以甦子日星不

負有傳

馬嘉植字培原崇禎甲戌進士授武進知縣逋糧累數萬植設法補苴民不擾而逋清姦猾屏跡陞吏科給事中奉命出督江西福建餉尋歸築室村居自號鐵雪道人苦節十數年卒于東臯別墅

陸又機字衡如父懋學敦族誼倡立祭田能以一經訓子爲文本經術機性寧靜以選貢知日照縣濱海民貧竭力撫字核丁籍使不得增漏

平湖縣志

卷十一

人物

仕績

至

有徭役則計畝均出富豪毋得免積弊一清解組歸父老遮道垂涕曰公囊空無攜攜此清淚數升去耳

秦宏忠字恕先以貢授教諭陞通道知縣縣近苗獠每偵富室新壟發棺攫其首要贖金忠嚴禁之民間言不便者弗聽苗計阻患遂絕山僻土寒每試隣邑以賂入籍本籍無入泮者忠却其金不受學官始皆本籍人苗稅十年一徵邑令統兵往所至驚擾忠攜一僕開誠勸諭苗感

激十年稽逋旬日畢事在任二年歸卒于道
金和字燮之崇禎庚辰進士授溧陽知縣漕兌
有遼米練米襄米諸名和倡爲合兌法民便之
調繁山陽邑多水患舊例修河費解京口遇河
決佑價詳支曠日持久和請添設山清廳同知
專司其事隨決隨報給發修築總河疏請允行
秩滿歸

國朝

陸濬睿字以愚號未庵順治丙戌舉人授宣府

平湖縣志

卷十一

人物

仕績

五

推官宣府古上谷地軍民雜處頗稱難治濬睿
以寬簡御之察重辟鞏加世段大康性全等冤
出之所拔士姚承煦胡顯祖等一時雋去塞外
士習爲之振起悍弁徐洪志擅斃平民按如律
其秉直不阿如此歸田後陶情詩酒十餘年卒
睿七歲喪母事繼母盡孝卜居西郊課諸子如
嚴師姊適李而寡子天迎養于家終其身弟濬
詰諸生博綜羣書先睿卒
施洪業字仲芳號寄廬少受知於學使洪承疇

順治乙酉以明經授廣東欽州知州時粵疆未定乃依幕府流寓五羊城衣敝不完并日而食幸以詩見重李撫軍稍稍得衣食一日藩邸張讌羣吏紛集所召客惟一施欽州曰今日非宴下吏重詩人也後復授徒龍灘以自給署程鄉篆悉捐里長營辦費修復七賢書院及抵欽綏輯流亡錄軍中所掠子女姓氏榜通衢俾其家領歸陞松江同知知府李正華性剛嚴僚屬鮮當意一見推爲長者與提督馬進寶相抗馬嘗

置酒帥府困以巨觥笑曰當令此老醉死明日令人伺之則施司馬已放早衙矣洪業當謁選時曾貸重債贖故友妻江氏及其子楊福還里後自鬻產數十畝以償之慷慨急人難其天性也

鄭龍光字兩爲順治己丑進士以從征粵特授廣東南雄府知府時藩帥初克城龍光以廉介見憚剔姦除蠹民倚賴之嘗履畝省荒過五年嶺前有虎負嵎衆莫敢進龍光曰昔劉昆爲治

虎北渡河今太守以勸農入山虎曷爲來哉叱
馭驅之虎遁去以一童二僕自隨郡有太平橋
稅故事府廳分季監收府實操其歲會龍光讓
之三廳而已不與平南靖南兩藩駐廣州其下
弁兵倚勢爲地方害龍光上其狀力請懲治無
少貸平田司黃石寨賊肆劫掠會虔兵勦除之
官吏多納賄兩藩獲署任龍光劾逐十數員雄
人稱快陞西寧副使清操惠政一如治雄時
馬紹曾字覲揚順治己丑進士授翰林院編修

平湖縣志

卷十一

人物

仕績

五

出爲山西岢嵐副使福建督糧叅政閩省方用
兵徵調如織尅期給發兼攝水利驛傳鹽法諸
篆有肆應才總督李率泰以爲能擢河南按察
司內陞右通政使工部左右侍郎尋左遷通政
司叅議歷戶部右侍郎乞歸年餘暴卒

倪籥元字府一父承裕讓產代運糧家殖盡落
兄秉元崇禎庚午舉人籥元中順治己丑進士
授蘄水知縣捐俸代償積逋性恬靜不善事上
官尋罷歸從兄聖生以歲貢歷杭州府教授有

二生受李自成僞職三學諸生公憤欲逐之當事命察諸生姓名聖生不報掛冠歸

陸世楷字英一號孝山順治戊子以貢授平陽通判適姜瓖亂被圍世楷登陴固守誘降李建泰平其黨歲飢爲粥食餓夫全活無算遷登州郡丞海寇揚帆至立設具率舟師禦之叛帥海時行掠傍邑聞其名不敢犯有姑被盜殺隣里訐其婦所爲世楷察其寃釋之盜引服陞南雄府知府時平南靖南兩藩橫行粵中有入始興

平湖縣志

卷十一

人物

仕績

五

山自稱平藩侍衛發民鑿礦世楷曰王雖尊不得擅役吾民今不使太守知詐也縛送廣州平藩不敢問黠僧指南故拳勇睨于藩倚勢爲虐縛斃諸杖建天峰書院課諸生講學買田膳之丁父憂歸服除補思州府思新增賦世楷覆丈地請反其舊站夫例有派協爲請免久之告歸卒爲人孝友樂易喜著述詩格直追開寶子大勲奇勲奎勲等八人

沈棻字子佩順治壬辰進士授西平知縣初下

車灌莽蔽天巷無居民倉廩多積逋棗設法招
流亡給牛種諭以歲豐取償免其息民襁負至
墾荒地數百頃民貧完稅無金錢許以布粟代
卽束麻擔草瑣細不憚煩歲募河夫多逋逃患
按貧戶之逋稅者充役民喜得食且以工價完
逋稅爭先赴工工易竣邑衝差徭不時豪強隱
蔽多徧累芬按坊冊戶口均攤點役次第輪差
一年止役一日歲有餘夫甲辰飛蝗徧野獨不
入西平境三年邑大治勞瘁卒于官士民立祠

平湖縣志

卷十一

人物

仕績

五

北郊祀之

陸光旭字鶴田順治壬辰進士授保定知縣時
苦疫癘醫藥療治全活甚衆又捐俸築堤以捍
水患名陸公堤擢御史言中機宜議巡方一疏
聞者咋舌疏上

世祖章皇帝優容之因作

聖恩紀外轉分守冀南道釋罪平刑獄無冤繫考滿以
終養歸服闋補江安糧儲道爲羽士朱方旦波
累徙謫以終

陸洽原字嗣開號話山以貢授汶川令汶羌番錯處又遭張獻忠殘殺後洽原招流亡勸開墾省差徭息訟獄學官縣署關堡索橋諸役以次畢舉內艱歸汶人尸祝之子斌字柴庵性孝謹撫幼弟如子

陸楸字林士號匏湖順治甲午副榜康熙丙寅謁選授盧龍令旗民雜處驕悍難治楸至孚之以廉惠革餉米陋規不事投合生平喜填詞工書法罷官後以此自娛

平湖縣志

卷十一

人物

仕績

七

邵延齡字大年號靜山順治辛丑進士除中書舍人逆藩吳三桂反西南用兵有同官當隨征延齡以其母老毅然請代叅畫軍事多奇中爲靖逆侯張勇陳平蜀方畧勇悉資之從軍還遷刑部郎中督學江西歸里卒次子暘字白崖太學生善詩古文

楊燦字葵齋康熙甲辰進士授清豐知縣時征蜀兵駐郊外燦營芻茭絕不累民有孕婦被人毆驟死未得主名燦齋宿城隍廟夢兩月在天

一婦抱嬰哭訪拘李閏月者一訛卽伏罪時頌
神明入爲御史疏陳祀事之重糾陪祀九卿又
請廣正途遴選以母老陳情罷宦橐蕭然
談允誠字孚上康熙癸丑進士授內閣中書歷
鎮江知府鎮爲南北孔道兵民雜處允誠一秉
至公姦豪屏跡嚴絕苞苴有羊續懸魚風子紹
芳舉人

陸祚蕃字武園康熙癸丑進士選庶吉士改授
御史以風裁著遷登萊叅議察寃獄翦豪強止

平湖縣志

卷十一

人物

仕績

五

開礦視學廣西文風以振補貴州糧驛叅政安
順兵變單騎定之子鼎揆戶部主事嘉孚字仲
萊折節讀書雍正丁未邑人盧生甫官刑曹以
才守薦部檄促有司起送以母老辭乾隆丙辰
充 恩貢生卒

沈岫字撫辰康熙乙卯舉人任鎮海教諭捐俸
修學教若蘇湖子之鉞甲子舉人令雲南羅次
便宜出倉粟賑飢全活無算攝隣縣悉稱文吏
庚子充鄉闈同考官薦拔皆知名士以勞瘁卒

于官

倪思恂字宏方由選貢任金溪丞少負膂力康熙十三年耿逆叛遣偽將圍金溪恂率民兵捍禦逆將薄城恂仗劍先驅督戰死之祀名宦

陸炯字石年幼孤事祖母寡母承顏順志叔父貧有幼子寄養他氏攜歸撫之成立康熙己未成進士年六十矣需次在都魏敏果公象樞延爲兩子師選山西太谷知縣釐姦弊興教化農時親詣田間提壺挈榼以相慰勞士民愛之陞御史巡城內監騎馬入公署指稱啣貴戚諭炯械之奏聞

平湖縣志

卷十一

人物

仕績

堯

上下法司置重典戒諸藩府曰若曹有家人宜戒飭之御史法不爾貸也年七十五卒于官

沈崐字玉山康熙乙丑進士授山西徐溝知縣民有甫成婚夫遽遠出十年不歸父母疑其已死投牒於縣欲嫁其婦婦大慟願終守而翁姑已受聘者財無所償乃給俸代償之越三日夫歸遠近稱頌內擢部曹典黔試稱得士罷歸後

築宅墓傍炊烟不繼嘯歌自得其風度蓋不可及云

馬煥曾字學海由例貢選湖北布政司經歷戊辰督標裁兵夏包子據省城倡亂逼死重臣煥曾乘賊兵開門行汲微服出晝夜徒跣抵上蔡飛羽轉報復奔河南巡撫轅門痛哭乞師尅期會勦逆亂以平叙功陞雲南南安州知州六年乞休卒年七十八

沈宏勳字又召少從學陸清獻登辛未進士選陝西吳堡令先是秦飢發倉粟貸之至是嚴催貸者輸倉宏勳言民困未蘇得緩徵邑去榆林五百里歲運米千石草千束計丁而徵官無典籍以胥吏掌之弊百出宏勳稽核詳密手定一冊無偏累苛索後令奉爲成法勸開墾勤課試以勞卒于官

馮千英字序皇康熙丁丑進士授荔浦知縣輯洞猺興文學革民俗之私相復讐者丁憂服闋補大康縣值軍需盡瘁勿遑中牟武陟河溢民

當往助修築千英悉心規畫民不知疲葺先賢
陳子禽高子羔祠貯五經子史性理等書于其
中令諸生以時肄業親爲講解卒于官

胡紹安字國期康熙庚辰進士授武清知縣邑
當孔道以仁廉治之變產償供應免紅剝船變
價諸累雪冤獄修學宮公餘常手一編吟誦若
諸生以體羸不任煩劇逾年卒于官

邵鳳起字蒼馭康熙辛酉舉人授歙縣知縣俗
輕生遇命案力爲剖雪有汪某與表弟貿易同

平湖縣志

卷十一

人物

仕績

空

歸謀其財及之事發提訊欲罪汪未得埋尸處
翼日以公事出道見鴉數萬飛鳴團集不去隨
于其處掘得尸汪吐實伏法後他州縣有疑獄
大吏輒委訊沉寃悉白再補增城攝順德篆治
行循卓一如在歙時及告歸士民愛戴多相率
詣督撫乞留者

盧生甫字仲山康熙丙戌進士父開顯字備人
讀書敦行終困場屋生甫承家學工詩古文旣
登第授定陶知縣拮据辦軍需不以纖毫累民

移臨高戢姦黎海島風教爲之肅清再舉卓異
內陞刑部郎中進解律例稱

旨出知貴州遵義府時值清丈躬自履勘歲餘以勞卒
年六十有七生平端謹清慎家無儲蓄蕭然若
處士

胡馬琪字近顏孝友淳樸家貧苦志力學中康
熙辛卯舉人授高明縣知縣興教化勤撫綏持
法折獄不畏強禦退食暇卽把卷長吟不異儒
素年六十卒于官宦橐蕭然友人張可大助貲

平湖縣志

卷十一

人物

仕績

空

得扶觀歸

顧麒錫字作三號默堂父天健績學攻苦著有
四書一貫講行世麒錫中康熙辛卯舉人除當
塗令善折疑獄興學校緩賦役政聲丕著解任
歸課子孫終焉

金南鏃字夏聲父京望嘗葺學宮建石梁南鏃
以例貢授工部屯田員外郎監督南新中南兩
倉以清慎陞刑部正郎中出爲陝西驛傳道時
方用武盡心徵調制府年羹堯頗倚爲用以事

失歡遂劾去之起補原任陞京堂告歸孫樹屏
字玠堂官衛輝府知府河決編竹筏渡災黎水
退設粥廠賑之以誑誤去官起補保定通判卒
于任

鍾彝字尙殷績學工文康熙癸巳順天舉人授
黃安縣知縣以寬治民不輕試鞭朴絕苞苴剔
姦蠹歸田後授徒自給年八十餘卒

施宗遠字廷樞幼失怙祖母楊撫立延師課學
登康熙癸巳賢書授羅田令地瘠民貧多草竊

平湖縣志

卷十一

人物

仕績

三

號難治宗遠立保甲嚴緝捕廉得一二渠魁寘
之法餘黨斂迹公餘進諸生論文藝士風丕振
以年老乞休士民愛戴數百里外攀轅祖送立
去思碑

陸綸字懷雅號漁鄉康熙丁酉舉人授內閣中
書轉典籍出爲梧州府同知巡撫金珙延修粵
西通志欲以博學鴻詞薦綸固辭在梧職司配
兌上不虧課下不病民擢永州府知府時義寧
綏寧苗蠢動大軍屯武岡自永至武水陸兼程

民多跋涉苦綸善調劑民安之丁父艱歸起補
梧州府梧俗以婿爲子往往爭產致訟綸諭以
異姓亂宗之律令民擇本宗承祧娶婦多坐產
招無妻之人前夫子與後夫子恆構釁綸曉以
廉恥俗乃革霪雨江漲壞民舍綸捐俸葺茅居
之民謠曰河伯禍我太守福我時于緇林書院
講文課藝士風丕振從改調歸綸少好倚聲工
於填詞歸田後尤邃於詩工樂府王觀察勅聘
修太平府志蕪湖縣志詳核有體性孝友在梧

平湖縣志

卷十一

人物

仕績

齒

時父奎勲主秀峯書院迎養官齋繪高陽小聚
圖誌天倫樂事旣歸招兄載紀同居奉母課諸
孫家庭之內怡怡如也從昆弟子姓貧者咸周
卹之卒年七十一子銖字心之嘗捐貲贖宗祠
官清流巡檢清操自矢卒於任貧不能歸櫬同
僚賻之乃得歸

陸培字翼風號南香雍正甲辰進士授東流縣
知縣邑西蓮花洲峙江心水暴漲民失業培安
撫之緩其征山溪民父魚夜斃于石莫得克首

主名培招衆予食察左手食者目動一訊卽服
署貴池革除胥役包糧嚴捕盜法每屆鎖印輒
郵致俸金分餽故鄉貧乏戚友罷官歸囊橐蕭
然無以謀饗殮僦屋以居爲諸生時善填詞歸
田後肆力于詩洛如壇坫推執牛耳數游維揚
周旋於舟輿筇屐間篇什益多仁和杭世駿錢
塘厲鶚交口引重歷主東臺當湖九峯書院講
席卒年六十有六子錫周字魯東乾隆丙子舉
人錫禹字遵五諸生早歿

平湖縣志

卷十一

人物

仕績

奎

陸汝欽字恪庭雍正甲辰進士除湘潭令邑豪
猾爲暴鄉里鞠治置之法改温州府教授兼主
東山書院講席迎養父廣培于官舍以憂歸家
貧饗殮不繼杜門課子晏如也尋卒

高衡字南岫士奇孫父軒早世伯父輿卒于官
聖祖仁皇帝問士奇後裔誰居長衡甫冠

命行走書館駢字類編纂成議叙七品京官補行人擢
刑部主事歷郎中出爲福建糧儲道清勤懋著
署臬篆獄多平反服闋需次補部員以疾請假

歸嘯歌林下卒年六十七

馮巨欽原名鈿字愚堂千英子雍正甲辰順天舉人除南部令邑多囑嚕子好鬥健訟素爲民害巨欽威德竝施姦匪屏跡修學宮創義塾以經術潤色吏治上官重其廉能委署保寧鹽茶同知卒于任年五十七

楊翊時字木臣少失怙依兄標讀書雍正甲辰領鄉薦除兩淮斜角場大使秩滿授廣東四會令邑豪奢矯以節儉剔弊興利政聲卓然年老地處膏不染有古循吏風

林鑣字御驤雍正己酉舉人除福建鹽場大使補海澄令澄濱海俗桀悍鑣以威德撫馭之創儒山書院振興文教註誤左遷青田教諭誘掖弗倦聞鄰邑有才士招與遊周其困乏其人卒以才顯鑣尋歿於任

張鈞字廣明幼績學夜燃燈讀帷帳中帷布盡黑雍正庚戌以五經成進士分發江南巡撫顧

琮重其經學命掌紫陽書院補金山縣知縣移
清河歲飢設賑躬親巡視蝗蝻爲患亟撲捕虔
禱于神一夕驟雨驅蝗入海民賴有秋旋以捕
蝗病目乞改教職歸卒年七十二

許時杰字德超雍正癸丑進士授福建邵武知
縣詳免虛糧三百兩有奇整理樵川書院捐建
挈口橋捍禦黃源虎患年四十卒于官

屈學洙字東萊以貢生授雲南大理府通判道
經黃牛適州有寇警從者多亡避乃單騎至署

平湖縣志

卷十一

人物

仕績

宅

整飭苗疆三年奏績尋以解運京錢染瘴卒于
江滸

袁珂字雪巖其先華亭人祖國梓官嘉興守父
勲遷平湖珂由例貢授河南儀封知縣儀濱大
河珂力陳派夫挑築累得寬其役建議鑿井灌
田詳請漕項免徵本色民便之攝篆睢州斷姦
殺疑案二陞陝州知州陝當五省孔道號難治
悉心整頓境內帖然濬城東南久淤支河溉田
若干頃逾年爲屬員罣誤免歸民遮道送者踵

相接後復議敘從兵曹歷刑部貴州江蘇二司
多所平反需次知府以病乞假卒于道弟頊字
衷翼工詩善書以博士弟子貢成均挑發豫省
初署陳州調繁裕州兼攝桐柏縣歷有治聲先
珂卒嗣子鑄亦能守頊遺緒

楊萬基字御青以歲貢生任縉雲訓導釐定祭
品復朱文公祠產署雲和教諭整飭士習卒于
官

程本毓字秀山以貢授梧州府通判歷署興業

令象州牧攝梧州府事民苦浮糧累本毓丈地
清糧抉剔隱漏革除飛灑擢宣化府同知杜苞
直戢姦宄西陲方用兵以辨軍需強幹紀功尋
請終養歸

賈三登字庸楚號蒼崖少孤力學性誠朴不苟
言笑雍正七年選授安徽涇江巡檢抵任卽芟
除陋規刻苦勵節署圃種瓜蔬充膳民有雀角
鬪誠勸化未嘗用杖特嚴保甲數年後獄訟衰
息盜賊屏迹攢典無事爲童子師餬口有風覆

舟江干賈貲萬計民相率無敢掠三登設法護
歸衛軍與民爭蘆地訟數年不決根究原委片
言鞫服請平糶立社倉添防汛編軍籍免攀役
凡有關民瘼條請大憲無所忌調權蕪關處膏
不染居官十八年洲民愛戴去之日號送數十
里涇舊有狄梁公廟遂設三登位于廟廡至今
尸祝居鄉二十載親知不能婚葬者常典衣飲
助年七十七無疾終

翁維正字寧文幼醇篤古義自守徧覽羣書博

通典故尤研貫性理語類諸書工古文詞賦試
輒冠曹充貢除長興訓導嚴月課慎程校端坐
明倫堂與諸生晰疑辨難日以爲常學田久爲
豪右佔踞維正牒訴上官盡復其田悉以歲入
頒給寒士多士戴之

李青字仿蓮乾隆丁巳進士令普寧植善鋤強
移陽江嚴保甲肅清盜源改令欒城興學校課
田疇設畱養局賑粥撫綏流民以辦軍需勞瘁
卒于官

馮廣譽字叔颺幾子乾隆戊辰進士除容縣令甫下車有袖白金謁者峻卻之嘗夜分出巡宦家子方挾妓呼盧呼至懲以夏楚聽獄平允革除徭役民懷德畏威不事酷烈自不犯法囹圄幾致空虛容壤僻少文建書院延山長作興文教以年老改處州教授修學宮勤講課乞休歸安貧不一干有司卒年八十二